

Қазақстан Республикасы Үкіметінің 2002 жылғы 14 маусымдағы N 647 қаулысына өзгерістер мен толықтырулар енгізу туралы

Күшін жойған

Қазақстан Республикасы Үкіметінің 2004 жылғы 1 шілдедегі N 723 қаулысы. Күші жойылды - Қазақстан Республикасы Үкіметінің 2009 жылғы 27 тамыздағы N 1251 Қаулысымен

Ескерту. Қаулының күші жойылды - ҚР Үкіметінің 2009.08.27. N 1251 Қаулысымен.

Қазақстан Республикасының Үкіметі қаулы етеді:

1. "Қазақстан Республикасының әлеуметтік-экономикалық дамуының индикативтік жоспарларын әзірлеудің ережесін бекіту туралы" Қазақстан Республикасы Үкіметінің 2002 жылғы 14 маусымдағы N 647 қаулысына (Қазақстан Республикасының ПҮКЖ-ы, 2002 ж., N 17, 190-құжат) мынадай өзгерістер мен толықтырулар енгізілсін:

тақырыбында және мәтінінде "индикативтік" деген сөз "орта мерзімді" деген сөздермен ауыстырылсын;

2-тармақта "Астана және Алматы қалаларының" деген сөздер "республикалық маңызы бар қалалардың, астананың" деген сөздермен ауыстырылсын;

көрсетілген қаулымен бекітілген Қазақстан Республикасының әлеуметтік-экономикалық дамуының индикативтік жоспарларын әзірлеудің ережесінде:

тақырыбында және мәтінінде:

"индикативтік" деген сөз "орта мерзімді" деген сөздермен ауыстырылсын;

"Астана және Алматы қалаларының" деген сөздер "республикалық маңызы бар қалалардың, астананың" деген сөздермен ауыстырылсын;

1-тармақ мынадай мазмұндағы абзацпен толықтырылсын:

"Әлеуметтік-экономикалық дамудың орта мерзімді жоспары - Қазақстан Республикасының Үкіметі немесе мәслихат бекітетін, республиканың немесе өңірдің әлеуметтік-экономикалық дамуының үш жылдық кезеңге арналған негізгі көрсеткіштері мен бағыттарын және оларды іске асыру жөніндегі шараларды айқындайтын құжат." ;

2-тармақтың екінші абзацында "негіздейтін" деген сөзден кейін "және индикативті сипаты бар" деген сөздермен толықтырылсын;

6-тармақтың 2) тармақшасы мынадай редакцияда жазылсын:

"2) елдің және оның өңірлерінің экономикасын серпінді дамыту үшін шарттарды айқындайды;" ;

7-тармақ мынадай мазмұндағы абзацтармен толықтырылсын:

"Ұлттық компанияны тиімді дамытуға бағытталған экономикалық және инвестициялық шаралардың бүкіл кешенін қамтитын орта мерзімді даму жоспары Ұлттық компанияның даму жоспары деп аталады.

Ұлттық компаниялар акцияларының мемлекеттік пакеттерін иелену және пайдалану құқықтарын жүзеге асыратын мемлекеттік органдар мен ұлттық компаниялар ұлттық компаниялардың даму жоспарларын әзірлеушілер болып табылады." ;

9-тармақта "және Облыстардың индикативтік жоспарларын" деген сөздер "Облыстардың орта мерзімді жоспарларын және Ұлттық компаниялардың даму жоспарларын" деген сөздермен ауыстырылсын;

10-тармақ алынып тасталсын;

11 және 12-тармақтар мынадай редакцияда жазылсын:

"11. Республикалық орта мерзімді жоспар мынадай бөлімдерден тұрады:

1) Қазақстан Республикасының әлеуметтік-экономикалық дамуының негізгі бағыттары (бұдан әрі - негізгі бағыттар);

2) әлеуметтік-экономикалық дамудың мемлекеттік реттеуішітері - табиғи монополиялардың өнімдері мен көрсететін қызметтері тарифтерінің серпіні; жалақының, зейнетақылардың, мемлекеттік жәрдемақылардың ең төменгі мөлшерлері, күнкөрістің ең төмен деңгейі, тауарлар мен көрсетілетін қызметтер импортына кедендік тарифтердің өзгеруі; жұмыс күшінің импортына квоталар; өнімдер (тауарлар, көрсетілетін қызметтер) өндірісінің стандарттары;

3) Қазақстан Республикасының әлеуметтік-экономикалық дамуының аса маңызды көрсеткіштерінің болжамы;

4) қолданыстағы әрі әзірленетін мемлекеттік және салалық (секторалдық) бағдарламалардың тізбесі;

5) қолданыстағы әрі әзірленетін мемлекеттік және салалық (секторалдық) бағдарламалар бөлінісіндегі басым бюджеттік инвестициялық жобалардың (бағдарламалардың) тізбесі;

6) ұлттық компанияларды дамытудың негізгі бағыттары мен негізгі көрсеткіштерінің болжамы.

12. Облыстың орта мерзімді жоспары мынадай бөлімдерден тұрады:

1) облыстың (қаланың) әлеуметтік-экономикалық дамуының негізгі бағыттары ;

2) облыстың (қаланың) әлеуметтік-экономикалық дамуының аса маңызды көрсеткіштерінің болжамы ;

3) қолданыстағы және әзірленетін аймақтық бағдарламалардың тізбесі;

4) қолданыстағы және әзірленетін мемлекеттік, салалық (секторалдық) және өңірлік бағдарламалар бөлінісінде басым жергілікті бюджеттік инвестициялық жобалардың (бағдарламалардың) тізбесі.";

4-бөлім мынадай редакцияда жазылсын:

"4-бөлім. Орта мерзімді жоспарларды әзірлеудің және бекітудің тәртібі
1-бөлімше. Республикалық орта мерзімді жоспарды әзірлеудің және бекітудің
т ә р т і б і

14. Республикалық орта мерзімді жоспарды әзірлеу екі кезеңде жүзеге асырылады.

Бірінші кезеңде орта мерзімді фискалдық саясат жобасын, алдағы қаржы жылына арналған республикалық және жергілікті бюджеттердің жобаларын қалыптастырудың негізі болып табылатын Республикалық орта мерзімді жоспардың жобасы әзірленеді.

Республикалық орта мерзімді жоспардың жобасын қалыптастыру бірінші кезеңде мынадай тәртіппен жүзеге асырылады:

1) Министрлік жоспарланатынның алдындағы жылдың 10 қаңтарына дейін Республикалық орта мерзімді жоспар бөлімдерінің нысандарын, көрсеткіштерінің тізбесін және құрылымын орталық және жергілікті атқарушы органдарға, өзге де мемлекеттік органдарға, сондай-ақ ұлттық компанияларға жібереді;

2) Министрлік орталық атқарушы және өзге де мемлекеттік органдардың қатысуымен жоспарланатынның алдындағы жылдың 1 ақпанына дейін Қазақстан Республикасының экономикасын дамытудың алдағы үш жылдық кезеңге арналған макроэкономикалық көрсеткіштерінің болжамдарын (бұдан әрі - Аса маңызды көрсеткіштердің болжамы) әзірлейді және Республикалық бюджет комиссиясының (бұдан әрі - бюджет комиссиясы) қарауына енгізеді.

Бюджет комиссиясы мақұлдаған Республикалық орта мерзімді жоспардың Аса маңызды көрсеткіштерінің болжамын Министрлік үш күндік мерзімде орталық және жергілікті атқарушы органдарға, өзге де мемлекеттік органдарға, сондай-ақ ұлттық компанияларға жібереді;

3) орталық және жергілікті атқарушы органдар, сондай-ақ өзге де мемлекеттік органдар Республикалық орта мерзімді жоспар бөлімдерінің құрылымына және көрсеткіштерінің нысандарына сәйкес жоспарланатынның алдындағы жылдың 20 ақпанынан кешіктірмей, Республикалық орта мерзімді жоспардың тиісті бөлімдері мен көрсеткіштеріне және басымдылық тәртібімен олардың бөлінісінде қолданыстағы әрі әзірленетін мемлекеттік, салалық (секторалдық) бағдарламалар мен басым бюджеттік инвестициялық жобалардың (бағдарламалардың) тізбесі бойынша Министрлікке ұсыныстар береді;

4) Министрлік жоспарланатынның алдындағы жылдың 10 наурызына дейін

орталық және жергілікті атқарушы органдардан, сондай-ақ өзге де мемлекеттік органдардан алынған материалдардың негізінде Республикалық орта мерзімді жоспардың жоспарланатын кезеңге арналған жобасын қалыптастырады және бюджет комиссиясына енгізеді. Орталық атқарушы және өзге де мемлекеттік органдардың ұсыныстарында алшақтықтар туындаған жағдайда, келіспеушіліктер хаттамасы қоса беріледі;

5) жоспарланатынның алдындағы жылдың сәуірінде Министрлік орталық және жергілікті атқарушы органдардың, сондай-ақ өзге де мемлекеттік органдардың қатысуымен Қазақстан Республикасы Экономика және бюджеттік жоспарлау министрінің бұйрығымен бекітілген кестеге сәйкес Республикалық орта мерзімді жоспардың бөлімдерін пысықтауды жүргізеді;

6) орталық атқарушы және өзге де мемлекеттік органдар кезең-кезеңмен келісуді және жергілікті атқарушы органдармен Республикалық орта мерзімді жоспардың тиісті бөлімдері мен көрсеткіштерін нақтылауды жүргізеді және бөлімдер мен көрсеткіштердің пысықталған нұсқасын жоспарланатынның алдындағы жылдың 20 сәуірінен кешіктірмей Министрлікке ұсынады;

7) жоспарланатынның алдындағы жылдың 1 мамырына дейін Министрлік Республикалық орта мерзімді жоспардың жобасын қалыптастырады және оны мүдделі орталық атқарушы және өзге де мемлекеттік органдарға келісуге жібереді;

8) жоспарланатынның алдындағы жылдың 15 мамырына дейін Қазақстан Республикасының әлеуметтік-экономикалық дамуының негізгі бағыттары, Қазақстан Республикасының әлеуметтік-экономикалық дамуының аса маңызды көрсеткіштерінің болжамы және орта мерзімді кезеңге арналған әлеуметтік-экономикалық дамудың мемлекеттік реттеуіштері белгіленген тәртіппен Қазақстан Республикасының Үкіметіне енгізіледі.

Екінші кезеңде қолданыстағы әрі әзірленетін мемлекеттік және салалық (секторалдық) бағдарламалардың тізбелерін, қолданыстағы әрі әзірленетін мемлекеттік және салалық (секторалдық) бағдарламалар бөлінісіндегі басым бюджеттік инвестициялық жобаларды (бағдарламаларды), ұлттық компанияларды дамытудың негізгі бағыттары мен негізгі көрсеткіштерінің болжамын қалыптастыру және ел экономикасын дамытудың болжамды бағалауды нақтылау, Республикалық орта мерзімді жоспардың бөлімдерін түзету жүргізіледі.

Республикалық орта мерзімді жоспардың жобасын қалыптастыру екінші кезеңде мынадай тәртіппен жүзеге асырылады:

1) жоспарланатынның алдындағы жылдың маусымында Министрлік орталық және жергілікті атқарушы органдардың, сондай-ақ өзге де мемлекеттік органдардың қатысуымен Республикалық орта мерзімді жоспардың бөлімдерін

п ы с ы қ т а у д ы

ж ү р г і з е д і ;

2) орталық атқарушы және өзге де мемлекеттік органдар Республикалық орта мерзімді жоспардың тиісті бөлімдері мен көрсеткіштерін жергілікті атқарушы органдармен кезең-кезеңімен келісуді және нақтылауды жүргізеді және бөлімдер мен көрсеткіштердің пысықталған нұсқасын жоспарланатынның алдындағы жылдың 10 шілдесінен кешіктірмей Министрлікке ұсынады;

3) жоспарланатынның алдындағы жылдың 1 тамызына дейін Министрлік Республикалық орта мерзімді жоспардың жобасын қалыптастырады және оны мүдделі орталық атқарушы және өзге де мемлекеттік органдарға келісуге ж і б е р е д і ;

4) Республикалық орта мерзімді жоспар жоспарланатынның алдындағы жылдың 15 тамызына дейін алдағы қаржы жылына арналған республикалық бюджет туралы заңның жобасымен бір мезгілде Үкіметтің қарауына енгізіледі және жылдың 1 қыркүйегінен кешіктірмей Қазақстан Республикасы Үкіметінің қ а у л ы с ы м е н б е к і т і л е д і .

2-бөлімше. Облыстардың орта мерзімді жоспарларын әзірлеудің және б е к і т у д і ң т ә р т і б і

15. Облыстардың орта мерзімді жоспарларын әзірлеу екі кезеңде жүзеге а с ы р ы л а д ы .

Бірінші кезеңде жергілікті уәкілетті органдар:

алынған материалдар мен экономикалық жоспарлау жөніндегі аудандық және қалалық бөлімдердің ұсыныстары негізінде экономикалық қызмет түрлері бөлінісінде Облыстардың орта мерзімді жоспарларының ірілендірілген параметрлерін әзірлейді және жоспарланатынның алдындағы жылдың 20 ақпанына дейін бюджет комиссиясына ұсынылатын Республикалық орта мерзімді жоспардың жобасына енгізу үшін Министрлікке ұсынады;

жоспарланатынның алдындағы жылдың 10 наурызына дейін жергілікті уәкілетті органдар облыстардың орта мерзімді жоспарларының жобаларын тиісті жергілікті бюджет комиссиясының қарауына жібереді;

жоспарланатынның алдындағы жылдың 1 мамырына дейін жергілікті уәкілетті органдар облыстардың орта мерзімді жоспарларының жобаларын Қазақстан Республикасының Экономика және бюджеттік жоспарлау министрінің бұйрығымен бекітілген кестеге сәйкес Министрлікпен және басқа мүдделі орталық атқарушы және өзге де мемлекеттік органдармен келісуді жүзеге а с ы р а д ы ;

жоспарланатынның алдындағы жылдың 15 маусымына дейін облыстың (қаланың) әлеуметтік-экономикалық дамуының негізгі бағыттары және облыстың (қаланың) орта мерзімді кезеңге арналған әлеуметтік-экономикалық дамуының аса маңызды көрсеткіштерінің болжамы жергілікті атқарушы органның бекітуіне

енгізіледі.

Екінші кезеңде қолданыстағы және әзірленетін өңірлік бағдарламалардың тізбелерін, басым жергілікті бюджеттік инвестициялық жобаларды (бағдарламаларды) қалыптастыру және өңірді дамытудың болжамды бағалауды нақтылау, Облыстың орта мерзімді жоспарының бөлімдерін түзету жүргізіледі:

1) жоспарланатынның алдындағы жылдың шілдесінде жергілікті уәкілетті органдар Облыстардың орта мерзімді жоспарларын пысықтауды жүзеге асырады және оларды облыстар, республикалық маңызы бар қалалар, астана әкімдіктерінің қарауына енгізеді;

2) облыстардың, республикалық маңызы бар қалалардың, астананың әкімдіктері 15 қазанға дейін мүдделі орталық атқарушы және өзге де мемлекеттік органдармен келісілген Облыстардың орта мерзімді жоспарларын алдағы қаржы жылына арналған тиісті жергілікті бюджеттердің жобаларымен бір мезгілде тиісті мәслихаттардың бекітуіне ұсынады.";

19 - т а р м а қ т а :

1) тармақшада "Акционерлік қоғамдар директорларының кеңестері (республикалық мемлекеттік кәсіпорындар үшін - уәкілетті органдар)" деген сөздер "Ұлттық компаниялар акцияларының мемлекеттік пакеттерін иелену және пайдалану құқықтарын жүзеге асыратын мемлекеттік органдар" деген сөздермен ауыстырылсын;

2) тармақшада "жылдың 20 ақпанынан кешіктірмей" деген сөздер "жылдың 1 мамырынан кешіктірмей" деген сөздермен ауыстырылсын;

3) тармақшада "мамыр-шілдесінде" деген сөздер "мамыр-тамызында" деген сөздермен ауыстырылсын;

4) тармақшада ", бәсекелестікті қорғау және шағын бизнесті қолдау" деген сөздер "және бәсекелестікті қорғау" деген сөздермен ауыстырылсын;

5) тармақша мынадай редакцияда жазылсын:

"5) жоспарланатынның алдындағы жылдың төртінші тоқсанында ұлттық компаниялар акцияларының мемлекеттік пакеттерін иеленуді және пайдалануды жүзеге асыратын мемлекеттік органдар Ұлттық компаниялардың жоспарлары жобаларын Қазақстан Республикасының Үкіметіне бекіту үшін енгізуді қамтамасыз етеді."

2. Осы қаулы қол қойылған күнінен бастап күшіне енеді.

Қазақстан Республикасының

Премьер-Министрі